

DIE XXIV. MAII.

283

25

FESTUM
S. JOANNIS
FRANCISCI
REGIS,
E SOCIETATE JESU.
SEMIDUPLEX.

Ad omnes, qui in Regnis Hispaniarum, aliisque
locis Regis N. Catholici ditioni subjectis ad
Horas Canonicas tenentur, extensum
die 8. Augusti 1738.

*Omnia de Communi Confes-
soris non Pontificis, præter
ea, quæ sequuntur.*

ORATIO.

Deus, qui ad pluri-
mos pro salute ani-
marum perferendos la-
bores Beatum JOANNEM
FRANCISCI Confes-

sorem tuum mirabili cha-
ritate, & invicta patientia
decorasti: concede pro-
pitius, ut ejus exemplis
instructi, & intercessio-
nibus adjuti æternæ vi-
tæ præmia consequamur.
Per Dominum nostrum,
&c.

IN

IN II. NOCTURNO.

Lectio iv.

Joannes Franciscus Regis nobili genere natus in Oppidulo Narboneosis Galliae, cui nomen Fonscoopertus, eximiae Sanctitatis à teneris annis indicia præbuit. In eo jam tum eluxere mira morum innocentia, flagrans Orationis studium, pudor, & modestia singularis. Societatem Jesu ingressus Tolsæ anno ætatis decimo nono, humilitate, obedientia, charitate, odio sui, cæterisque vitæ Religiosæ virtutibus excelluit. Absolutis studiis, totum se procurandæ animarum saluti penitus devovit. Asperos Vivariensium, Velaunorum, & Forensium Montes, & ingentes Helviorum tractus, glacie, nivibusque ferè perpetuis horridos, eorumque Colonos inscitia, rusticitate, barbarie intractabiles suscepit, excolendos, eo successu, ut innumerabiles homines, aut Calviniana lue

infectos, aut perditis moribus corruptos, ad Catholicam Fidem, & ad Christianam pietatem traxerit.

Æ. Honestum.

Lectio v.

Campestribus Missioneibus hyberno tempore perfunctus, æstivo revertebatur Anicium, ibique in Nesocomiis, & in Carceribus, in privatis Ædibus, in Compitiis, ac Templis omne Hominum genus omnibus omnia factus sublevabat. Pauperum greges, corrugatis undique subsidiis, præsertim cum sæviret famines, multiplicato etiam non semel per Miraculum frumento, sustentabat: Unde illi Patris Pauperum cognomen inditum fuit. In flagitiosis Hominibus, & perditis præsertim Mulierculis è vitiorum coeno educendis, vix credibile est quot probra, ludibriaque pertulerit, erecto semper, & alacri vultu imperterritus, licet gladiis jugulo sæpè admotis, alapis ori im-

pactis

partis, & fustibus Corporum. Grassante peste, infirmos eo morbo laborantes sedulo invisens, ardenti reficiebat charitate. Erga alios blandus, ac benignus, in se ipse saeviebat acerrimè, asperis ciliciis, ferreis catenis, cruentis flagellationibus, somnum breviter in nuda tabula, aut humi carpens, semper abstemius, vilissimoque semper victitans cibo, & adeo tenui, ut accendæ morti potius, quam sustentandæ vitæ sufficeret.

R. Amavit eum.

Lectio vi.

Divino amore sic erat incensus, ut illum unum spirare, loqui, cogitare videretur. Plures noctis horas Orationi dabat, caelestibus affluens deliciis, & extra se sæpè raptus. Rem divinam eâ animi attentione, eo vulnus ardore faciebat, ut sacrum, quo effervecebat, ignem, etiam in adstantes diffunderet. Miraculis, aliisque Donis su-

pernaturalibus mirè claruit. Tandem vocatus ad præmia laborum, in Vienne-nsis Diocesis Pago, cui nomen est Lalove-
teus, correptus lethali morbo ex laboribus contracto, cum sæviret hyems frigidissima, caelestibus recreatus illustrationibus, ad æterna gaudia invitatus, spiritum Creatori reddidit anno millesimo sexcentesimo quadagesimo, die trigesima prima Decembris, vitæ suæ quadagesimo quarto. E-
jus sepulchrum incredibili Populorum per asperos Montes undique confluentium concursu, ob Sanctitatis, & Miraculorum famam, quæ maximè percrebescerebat, summa devotione est frequentatum. Quibus omnibus permotus Clemens Undecimus Pontifex Maximus, Joannem Franciscum Beatorum fastis solemni ritu adscripsit vigesima quarta Maii, anno millesimo septingentesimo decimosexto, eâ die ejusdem celebrandæ Festivitati assignata,

R. Iste homo,

In tertio Nocturno Homil.
in Evang. Sint lunabi vestri
præcincti.

Missæ: Os iusti, de
Communi cum Oratione de
Offic.

HISPANIARUM.

Cum Catholicus Hispaniarum Rex Philippus VI. pro sua
in Sanctum Joannem Franciscum Regis è Societate Jesu
ejusdem, qui ipse nationis, & ipso in primis postulante haud
pridem solemniter canonizatum, singulari devotione (ex qua
etiam magnificum illi Sacellum suis sumptibus Matrivi excol-
tauit) Sanctissimo Domino Nostro Clementi Papæ XII. per
Emum. & Rmum. D. Cardinal. Aquaviva, non minus piè,
quàm enixè supplicaverit, ut Missam, & Officium ejusdem
Sancti pro dicta Societate jam approbatum, nuper verò ad
Christianissimi Regis instantiam toti Galliarum Regno sub ritu
semiduplici concessum; nunc ad omnes etiam, qui in Regnis Hi-
spaniarum, aliisque locis ditioni suæ subjectis, ad Horas Ca-
nonicas tenentur extendere dignaretur; Sanctitas sua piè hu-
jusmodi Catholici Regis petitioni benignè annuit, prout ex do-
cumento in fasciculo Memorialium existente. Die 8. Augusti
1738.

C. Card. de Marinis Præf.

Loco ✕ sigilli.

J. Patriarcha Hierosolymitanus,
Secret.